

餘虹移所刻曲

孝臧



餘江藝所刻曲

李氏



張小山小令卷下

慶元張可久伯遠謨

章丘李開先中麓編

南呂一枝花

湖上晚歸

長天落綵霞遠水涵秋鏡花如人面紅山似
佛頭青生色圍屏翠冷松雲徑嫣然眉黛橫
但攜將旖旎濃香何必賦橫斜瘦影

梁州

挽玉手留連錦英據胡床指點銀瓶素娥不

嫁傷孤另想當年小小問何處卿卿東坡才
調西子娉婷總相宜千古留名吾二人此地
私行六一泉亭上詩成三五夜花前月明十
四弦指下風生可憎有情捧紅牙合和伊川
令萬籟寂四山靜幽咽泉流水下聲鶴怨猿
驚

尾

巖阿蟾窟鳴金磬波底龍宮漾水精夜氣清
酒力醒寶篆銷玉漏鳴笑歸來彷彿二更煞
強似踏雪尋梅灞橋冷

罵玉郎帶感皇恩採茶歌

爲貫酸齋解嘲

君王曾賜瓊林宴三斗始朝天
文章懶入編修院紅錦箋白苧篇黃相傳
學會神仙參透詩禪厭塵囂絕名利逸林泉
天台洞口地肺山前學煉丹同貨墨共談玄
興飄然酒家眠洞花溪鳥結姻緣被我瞞他四十年
海天秋月一般圓

揚駒兒墓園

莓苔生滿蒼苔徑人去小紅亭題情猶是酸

齋贈我把那詩韻賡書畫評闌干凭 茶竈
塵凝墨水冰生掩幽扇懸瘦影伴孤燈琴已
亡伯牙酒不到劉伶策短藤乘暮景放吟情
寫新聲寄春鶯明年來此賞清明窗掩梨
花庭院靜小樓風雨共誰聽

四塊玉

秋望

菊又開人何往夜靜孤眠北窗涼月明閒上
南樓望天一方雁幾雙書半行

胡使君席上

舞態輕歌喉穩十里香塵柳邊春一聲金縷
樽前韻斂繡巾整翠雲點絳脣

春愁

曉夢驚殘妝粉一點芳心怨王孫十年不寄
平安信綠水濱碧草春紅杏村

傷春

楊柳陰鞦韆影恨殺啼鴉斷腸聲越添怨女
傷春病倚繡屏搗錦箏調玉笙

宮中秋日

環佩輕蓬萊淺桂子香清小壺天芙蓉露冷

披香殿花可憐月又圓人未眠

史氏池亭

宿酒醒良宵永風細荷香夢魂清月明梧葉
闌干靜玉管笙粉面箏金字經

東浙舊遊

鏡水邊巾山頂兩袖松風羽衣輕一奩梅月
冰壺淨鵲尾爐鳳嘴瓶雁足燈

閭金經

秋望

白髮三千丈畫樓十二闌鷗鷺翩翩逐往還

山淡雲秋樹間蘆花岸釣船沙上灘

湖上仙遊

竹枕蘆花被草衣荷葉巾一棹煙波湖上春
眞神仙身外身蓬萊近紫簫吹鳳雲

湖堤春日

院宇綠楊樹酒旗紅杏村一片棠梨蘇小墳
春水邊多麗人鶯花陣玉驄嘶錦雲

夏宴

玉手銀絲鱸翠裙金縷紗席上相逢可喜煞
插一枝茉莉花題詩罷醉眠沾酒家

山行

萬里封侯貴一場春夢中破帽青鞋策短筇
逢南山採藥翁桃花洞白雲千萬重

訪道士

細草眠白兔小花啼翠禽且聽松風坐綠陰
尋洞天深又深遊仙枕頓消名利心

青霞洞

酒後詩情放水邊歸路差何處青霞仙子家
沙翠苔橫古槎竹陰下小魚爭柳花

環綠亭

水冷溪魚貴酒香霜蟬肥環綠亭深掩翠微
梅落花浮玉杯山翁醉笑隨明月歸

開元道院

翠崦仙雲暗素琴冰澗長晝永人間白玉堂
嘗煮茶春水香元泉上鶴飛松露涼

胡琴

雨漱窗前竹澗流水上泉一線清風動二絃
聯小山秋水篇昭君怨塞雲黃暮天

題扇

玉手銀箏柱翠濤金屈卮正是魚肥蟬健時

詩醉題秋扇兒黃華字亂風搖柳絲

睡起

翠被夢中夢雁書來處來秋水芙蓉花又開
猜瘦雲慙玉釵人何在月明閒鳳臺

春懷

瘦影孤鸞鑑怨聲阿鵲簷病起離人愁轉添
嫌燕歸雙入簾朱門掩夜香不喜拈

石門洞天

錦樹開圖障翠峰堆髻鬟屋老蒼雲暗紫壇
閒玉龍耕破山白石爛半巖秋雨寒

仙居

白日孤峰上紫雲雙澗邊飢有松花渴有泉
仙抱琴巖下眠蟠桃宴鶴來騎上天

梅邊

雪冷松邊路月寒湖上村縹緲梨花入夢雲
巡小簷芳樹春江梅信翠禽啼向人

稽山春晚

若耶溪邊路四山環翠微春去人間總不知
鶯亂啼滿川煙樹迷先生醉葛洪丹井西

醒吟齋

老翁獨醒處伴雲高臥齋雨過松根長嫩苔
栽菊花依舊開青山怪白頭歸去來

偕王公實尋梅

浩然英雄氣塞乎天地閒破帽西風雪滿山
頑探梅千百番家童懶灞橋驢背寒

秋望二曲

楊柳沙頭樹琵琶江上舟鴈去衡陽水自流
愁玉人休倚樓黃花瘦曉霜紅葉秋

信遠江南鴈望窮雲外山羅帕香殘粉淚乾
閒倚遍十二闌黃花慢桂香秋雨寒

春晚

惜花人何處落紅春又殘
倚遍危樓十二闌
彈淚痕羅袖斑江南岸
夕陽山外山

雪夜

犬吠村居靜鶴眠詩夢清
老樹冰花結水精
明月臨不夜城扁舟興小窗何處燈

金華洞中

竹煖鶴梳翅樹香鹿養茸
好景神仙圖畫中
通好山無數重桃源洞
綠波隨落紅

佛會二曲

水月觀音相海雲獅子牀講下飛花古樹蒼
涼紫檀小殿香天仙降對騎金鳳凰

舞月獅王喜獻花猿臂長何處青山不道場
涼寶瓶甘露漿方池上白蓮秋水香

湖上書事

六月芭蕉雨兩湖楊柳風茶竈詩瓢隨老翁
紅藕花香座中笛三弄鶴鳴來半空

春思

象管鴛鴦字錦箏鸞鳳絲何處風流馬上兒
思那回春暮時別離事帶花折柳枝

遊仙

桂影黃金樹帝鄉白玉京夢斷鈞天月正明
聽粉箏江上聲遊仙興落花香洞庭

感興

野唱敲牛角大功懸虎頭一劍能成萬戶侯
愁黃沙白鬪髀成名後五湖尋釣舟

閱武爲李正則賦

鴈翅銀鎗隊虎皮鐵馬羣畫鼓三聲江上村
屯半千存孝軍梅花引繡旗楊柳春

閨怨